

Letsatši la go Bala ka go Hlaboša Lentšu la Lefase

le Nal'ibali

bakeng sa Mengwaga ya Mathomong!



nalibali
GO THOMA KA
KANEGELO.



Ngwageng wo re nyaka go laletša malapa le bahlokamedi ba bana ba banyenyane go bala le rena ka Letsatši la go Bala ka go Hlaboša Lentšu la Lefase, ka di 7 tša February 2024 - le letsatši le letsatši. Kanegelo ya rena e kgethegilego ya *Nkatsana ya go Timela*, e ngwadilwe ke Stacey Fru gomme diswantšho di terowilwe ke Rico. Kanegelo ye e hwetšagala ka maleme a 11 a Afrika Borwa. Karata ye ke ya gago ka go kgethega!

Pele ga Letsatši la go Bala ka go Hlaboša Lentšu la Lefase

- Itlwaetše kanegelo ye gabotse gore o tle o kgone go e anega goba go e bala ka go hlaboša ka tsela ya gago.
- Nagana gore o tlo phediša bjang kanegelo yeo. Kgetha gore ke ponagalo ya mohuta mang ya sefahlego le boitšhišinyo bja mmele tše o nyakago go di diriša.
- Kgetha nako mo letsatšing moo o ka abelanago **kanegelo** lapa la gago le feletše.
- Hwetša dikarolo tša kanegelo tšeo go tšona bana ba ka tšea go karolo go tšona, ka mohlala, ba ka lla ka tsela yeo nkatsana le mpša di llago ka yona.
- Itlwaetše go anega kanegelo goba go e bala ka go hlaboša.




Pele o bala kanegelo ka go hlaboša

- Ripa diswantšho tša diphoofole tšeo e ka bago diruiwa, tša go swana le dimpša, dikatse, mebutla le dikhudu. Kgopela ngwana yo mongwe le yo mongwe go kgetha seswantšho sa seruiwa se a se ratago gomme a se sware ge o dutše o bala kanegelo.
- Botšiša dipotšišo goba o bolele ka dilo tše di tla thušago bana ba gago go tsepamiša mogopolo kanegelong. Ka mohlala, ba bontšhe senepe sa katse goba nkatsana. Bolela ka diphoofole tšeo re di ruwago.
- Bala sehlogo sa kanegelo. Ba botšiše gore, "Le nagana gore kanegelo ye e bolela ka eng?"



Ge o dutše o bala kanegelo ka go hlaboša

- Ge o dutše o bala kanegelo, botšiša bana ba gago dipotšišo ka kanegelo yeo. Dipotšišo tša go swana le gore, "Le nagana gore ke ka baka la'ng a dirile seo?" le "Lena nkabe le dirile'ng?" di thuša bana go kwela batho ba bangwe bohloko le go ba kwešiša.
- Kgopela bana ba gago gore ba go ekiše ge o dira medumo ya diphoofole.



Ikaneng gore le tla balela godimo le le lapa **Letsatšing le la go Bala ka go Hlaboša Lentšu la Lefase** – le letsatši le lengwe le le lengwe. Ingwadiše go www.nalibali.org goba romela lentšu "WRAD" ka WhatsApp go **0600 44 22 54**. Lapa le lengwe le le lengwe leo le ingwadišago le tla ba le sebaka sa go tsenela **leeto la lapa la go bala ka Letsatši la Nal'ibali la go Bala ka go Hlaboša Lentšu la Lefase**. O tla hwetša dikanegelo tše dingwe go akaretša le maele le dikeletšo tša kamoo o ka balago le ngwana wa gago ngwaga ka moka.

Nkatsana ya go timela



Kanegelo ka Stacey Fru ☉ Diswantšho ka Rico



Ka Labohlano thapama, Neo le Bella ba be ba raloa ka serapeng sa gabo Neo. Noodle o be a robetše ka khutšo.



Miao, miao, miao! Nkatsana e khubetšwana e ile ya tšwa ka gare ga sethokgwana.


“Bona, e na le lephantana le lebotsana le le talalerata mo molaleng,” gwa realo Neo.

Neo le Bella ba ile ba tsena le yona ka ntlong.

“Mma, Tate, **bonang!**” Re hweditše nkatsana ka kua serapeng!” gwa goeletša Neo.

“E swanetše go ba e le ya mothotsoko ka gore e na le lephantana le le talalerata mo molaleng,” gwa realo Bella.

“Re swanetše go leka go hwetša beng ba yona,” gwa realo Tate.



“Gosasa mesong, re ka dira diphoustara tša nkatsana ye e **lahlegilego**. Mohlomongwe mong wa yona o tla bona diphoustara tšeo,” gwa realo Mma.

Neo o ile a hwetša lepokisi la dieta le jesi ya kgale gore a direle nkatsana malao a borutho. Tate o ile a e nea dijo le meetse a go hlweka ka sekotlelo se segolo.




Mesong ya Mokibelo, Bella o ile a fihla e sa le ka masa. "A re direng diphoustara," gwa realo Bella.

Ba dirile diphoustara tše nne, Tate o ile a re, "A re yo di pharang."

Ba ile ba thoma ka go ya bokgobapukung...

ka morago ba ya lebenkeleng...

ke moka moagišani a ba dumelela go bea phoustara e nngwe keiting ya gagwe.



Ba ile ba šala ka phoustara e tee gore ba e phare sekolong.

Ka Labobedi thapama, Neo, Bella, Noodle le nkatsana ba be ba raloka ka phapošing ya bodulo.

Ko, ko, ko! Go be go na le motho yo a kokotago mojakong.

Noodle o ile a goba ka lethabo.

Nkatsana e ile ya tšhoga moo e ilego ya tšhaba gomme ya utama ka fase ga sofa.



"Eh, dumela," gwa realo Neo ge a bona ngwanenyana a eme mojakong.

"Dumela, ke nna Gina," gwa realo ngwanenyana. "Ke nagana gore nkatsana ye le e hweditšego e ka ba e le ya ka. Leina la yona ke Ginger!"

Ge ba tsena ka phapošing ya bodulo, nkatsana e be e se gona. "Tjoo!" gwa realo Bella. "Ke holofela gore nkatsana ga se ya timela gape!"

Gina o be a bonala a nyamile kudu.

Ke moka ba ile ba kwa Noodle ka ~~khitsing~~ Hou, hou, hou. Gwa latela lešata le legolo la gore TŠHWAA!





Bana bao ba ile ba kitimela ka **khitsing**. Ba ile ba hwetša nkatsana e ituletše fase. E be e tšholotše meetse a yona a ka sekotlong se segolo ge Noodle a be a goba gomme gabjale e be e thapile kudu.

Bella o ile a e phumola ke moka a e nea **Gina**

Phurr, phurr, phurr. Nkatsana e be e thabile kudu!

“Wena le Neo le ka etela Ginger ka nako efe goba efe ge le rata.” gwa realo Gina.

Bella o ile a thoma go thaba, ke moka a re, “Ke a leboga!”

“Neo a re, “Eupša, ke nagana gore Noodle o swanetše go šala gae.”

Ka moka ga bona ba ile ba dumelelana ka gore yeo ke kgopolo e botse kudu.



Ka morago ga go bala kanegelo mmogo, boledišanang ka se se diragetšego kanegelong. Botšiša dipotšišo tša go hlohletša bana ba gago go nagana le go bolela dikgopolo tša go tsamaišana le kanegelo, ka mohlala o ka re, “O rata karolo efe mo kanegelong?”

Dira gore kanegelo e be le bophelo!

- 🐾 Opela koša goba dira koša ka dikatse le dimpša.
- 🐾 Terowa seswantšho sa karolo ye o e ratago kudu kanegelong.
- 🐾 Šomiša folouru goba letsopa go bopa Ginger goba Noodle.
- 🐾 Dira phoustara ya seruiwa sa gago goba ya seruiwa se o ka ratago go ba le sona. Terowa seswantšho sa seruiwa seo. Ngwala goba o kgopele motho yo mongwe go go thuša go ngwala mmala wa seruiwa sa gago le leina la sona.



Abelana ka dinepe le dibidio tša ge wena le bana ba gago le ipshina ka kanegelo le mešongwana ya Letšatši la go Bala ka go Hlaboša Lentšu la Lefase **#nalibaliwrad2024** go mafarahlahla a rena a dipoledišano!

TheNalibaliChannel

nalibaliSA

@nalibaliSA

@nalibalisa

@nalibalisa

nalibalisa

The Nal'ibali Trust

+27 64 801 5496

Nal'ibali (ka se-Xhosa e ra gore "kanegelo ke ye") ke lesolo la boditšhaba la go ipshina ka go bala. Re nyaka go ba le Afrika Borwa yeo go yona bana ka moka ba ipshinago ka kanegelo tšatši ka tšatši.



Nalibali
GO THOMA KA
KANEVELO.

Sepedi